



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

Broj: 01/14-04-5085/25
Sarajevo: 25.09.2025. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH”, br. 12/03, 34/03 i 65/13), člana 19. i člana 23. Statuta Javnog preduzeća „Olimpijski bazen Otoka” d.o.o. Sarajevo, broj: 01-1-383-5/23 – prečišćeni tekst od 20.02.2023. godine, te člana 4. Odluke o proceduri, uslovima i standardima imenovanja članova Skupštine javnih preduzeća čiji je osnivač Grad Sarajevo („Službene novine Kantona Sarajevo”, broj 27/21 i 45/21), gradonačelnik Grada Sarajeva raspisuje

JAVNI OGLAS
za izbor i imenovanje predsjednika i članova Skupštine
J.P. „OLIMPIJSKI BAZEN OTOKA” D.O.O. SARAJEVO

Objavljuje se Javni oglas za izbor i imenovanje predsjednika i 2 (dva) člana Skupštine J.P. „Olimpijski bazen Otoka” d.o.o. Sarajevo (u daljnjem tekstu: Skupština Preduzeća).

I Opis upražnjene pozicije

Predsjednik Skupštine:

- saziva sjednice Skupštine na vlastitu inicijativu, inicijativu člana Skupštine, inicijativu predsjednika ili člana Nadzornog odbora, inicijativu predsjednika ili člana Odbora za reviziju i direktora Preduzeća;
- predsjedava, odnosno rukovodi sjednicama Skupštine;
- potpisuje odluke i druge akte Skupštine.

U odsustvu predsjednika Skupštine, njegovu funkciju preuzima član Skupštine kojeg on ovlasti.

II Opis upražnjene pozicije

Skupština Preduzeća je nadležna da samostalno odlučuje o:

1. Imenovanju i razrješenju predsjednika i članova Nadzornog odbora;
2. Imenovanju i razrješenju predsjednika i članova Odbora za reviziju;
3. Usvajanju godišnjeg izvještaja o poslovanju društva koji uključuje finansijski izvještaj, izvještaj revizora, nadzornog odbora i odbora za reviziju;
4. Visini i načinu isplate naknada predsjedniku i članovima Nadzornog odbora;
5. Visini i načinu isplate naknada predsjedniku i članovima Odbora za reviziju;
6. Visini i načinu isplate naknada predsjedniku i članovima Skupštine Preduzeća;
7. Donošenju Statuta Preduzeća i njegovim izmjenama i dopunama;
8. Raspodjeli godišnje dobiti i pokriću gubitka;
9. Povećanju i smanjenju osnovnog kapitala;
10. Odobravanju plana poslovanja, strategije rizika Preduzeća te ostvarivanju trajne poslovne saradnje sa drugim društvima na prijedlog Uprave i/ili Nadzornog odbora;
11. Kupovini, prodaji, zamjeni, uzimanju lizinga i kredita te drugim transakcijama imovinom, direktno ili posredstvom supsidijarnih društava u toku poslovne godine u obim u većem od 33% knjigovodstvene vrijednosti imovine Preduzeća po bilansu stanja na kraju prethodne godine, na prijedlog Uprave i/ili Nadzornog odbora;
12. Izuzimanju stalnih sredstava i korištenje fonda rezervi u Preduzeću na prijedlog Uprave i/ili Nadzornog odbora;
13. Donošenju Poslovnika o radu Skupštine Preduzeća;
14. Donošenju Etičkog kodeksa na prijedlog Nadzornog odbora;
15. Drugim pitanjima bitnim za poslovanje Preduzeća.

Adresa: Hamdije Kreševljakovića 3

71 000 Sarajevo

Tel.: +387 33 407 443

Fax: +387 33 208 341

Email: grad@sarajevo.ba

Web: www.sarajevo.ba



Skupština Preduzeća je nadležna da uz saglasnost Gradskog vijeća odlučuje o:

1. Povećanju i smanjenju osnovnog kapitala;
2. Statusnim promjenama Preduzeća;
3. Osnivanju novih društava.

Svi kandidati moraju ispunjavati sljedeće opće i posebne uslove:

III Opći uslovi za poziciju predsjednika i članove Skupštine Preduzeća

- a) da je državljanin BiH (dokaz: uvjerenje o državljanstvu);
- b) da je stariji od 18 godina (dokaz: izvod iz matične knjige rođenih);
- c) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije (izjava potpisana od strane kandidata i ovjerena od strane nadležnog općinskog organa ili notara, ne starija od dana objave ovog Javnog oglasa);
- d) da se na tog kandidata ne odnosi član IX. 1. Ustava Bosne i Hercegovine (izjava potpisana od strane kandidata i ovjerena od strane nadležnog općinskog organa ili notara, ne starija od dana objave ovog Javnog oglasa);
- e) da nema privatni/finansijski interes u J.P. „Olimpijski bazen Otoka” d.o.o. Sarajevo (izjava potpisana od strane kandidata i ovjerena od strane nadležnog općinskog organa ili notara, ne starija od dana objave ovog Javnog oglasa);
- f) da nije osuđivan za krivično djelo i za privredni prestup nespojiv sa dužnošću u Skupštini Preduzeća 5 godina od dana pravosnažne presude uključujući vrijeme zatvorske kazne,
- g) da nije lice kojem je presudom suda zabranjeno obavljanje aktivnosti iz nadležnosti Skupštine Preduzeća,
- h) da ne postoje druge zakonske smetnje za obavljanje funkcije u Skupštini Preduzeća.

IV Posebni uslovi za poziciju predsjednika i članove Skupštine Preduzeća

- a) da kandidat posjeduje univerzitetsku diplomu – VSS (VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja koji se vrednuje sa najmanje 240 ECTS bodova),
- b) da kandidat ima najmanje 5 (pet) godina radnog staža nakon sticanja VSS,
- i) da kandidat nije direktor javnog preduzeća (dokaz: izjava potpisana od strane kandidata i ovjerena od strane nadležnog općinskog organa ili notara, ne starija od dana objave ovog Javnog oglasa);
- j) da kandidat nije izabrani dužnosnik ili imenovani dužnosnik u izvršnoj vlasti u Bosni i Hercegovini.

V Spisak potrebnih dokumenta

Kandidati su dužni, uz prijavu, koja sadrži biografiju s kratkim i preciznim pregledom profesionalnih aktivnosti i radnog iskustva, te adresu i broj kontakt telefona, priložiti originalne dokumente ili ovjerene kopije dokumenta, i to:

1. uvjerenje o državljanstvu BiH;
2. izvod iz matične knjige rođenih;
3. dokaz o stručnoj spremi (ovjerenu kopiju univerzitetske diplome);
4. uvjerenje ili potvrdu o radnom stažu u struci nakon sticanja univerzitetske diplome;
5. ovjerenu kopiju CIPS-ove prijave;
6. izjava ovjerena od strane nadležnog općinskog organa da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri (3) godine prije dana objavljivanja upražnjene pozicije, ne starija od dana objave ovog Javnog oglasa;
7. izjava ovjerena od strane nadležnog općinskog organa da se na njega ne odnosi član IX.1. Ustava Bosne i Hercegovine;
8. izjava ovjerena od strane nadležnog općinskog organa da nije izabrani dužnosnik ili imenovani dužnosnik u izvršnoj vlasti na svim nivoima vlasti u Bosni i Hercegovini;
9. izjava ovjerena od strane nadležnog općinskog organa da nema privatni/finansijski interes u Preduzeću (JP „Olimpijski bazen Otoka“ d.o.o.);

10. izjava ovjerena od strane nadležnog općinskog organa da ne postoje druge zakonske smetnje za obavljanje aktivnosti iz nadležnosti Skupštine Preduzeća.

Kandidat koji prođe izbor dužan je dostaviti i uvjerenje da nije osuđivan za krivično djelo i za privredni prestup nespojiv sa dužnošću u Skupštini Preduzeća iz oblasti privrednog i finansijskog kriminala (izdaje MUP), ne starije od 6 mjeseci, kao i uvjerenje o nekažnjavanju (izdaje sud) ne starije od 6 mjeseci.

VI Mandat

Predsjednik i članovi Skupštine Preduzeća imenuju se istovremeno na period od 4 (četiri) godine.

Predsjednik i članovi Skupštine preduzeća zaključuju ugovor sa preduzećem na osnovu Odluke Gradskog vijeća Grada Sarajeva donesene na prijedlog gradonačelnika Grada Sarajeva po provedenoj oglasnoj proceduri u skladu sa Zakonom o ministraskim, vladinim i drugim imenovanjima Federacije Bosne i Hercegovine.

Ugovor u ime preduzeća potpisuje direktor.

Predsjednik i članovi Skupštine Preduzeća imaju pravo na naknadu za obavljanje dužnosti u mjesečnom iznosu od po 450,00 KM, uz uslov da se u tom mjesecu održi Skupština Preduzeća, odnosno na naknadu u skladu sa odlukom Gradskog vijeća Grada Sarajeva.

Kandidati s kojima se ne stupa u kontakt u roku od 8 (osam) dana od dana isteka roka za podnošenje prijave neće se uzeti u obzir u razmatranje u daljem procesu kandidovanja.

Kandidatima koji ne ispunjavaju uslove oglasa neće se dostavljati pisane odbijenice.

VII Ostale napomene

Svi kandidati koji uđu u uži izbor bit će pozvani na intervju koji će biti obavljen u skladu sa članom 11. Zakona o ministarskim, vladinim i drugim imenovanjima u FBiH.

Kandidati koji ispunjavaju kriterije za imenovanje i koji se nađu na listi s užim izborom i budu pozvani na intervju, dužni su u toku njegovog trajanja popuniti obrazac u kome su dužni iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja, te dati podatke o odgovarajućem broju ranijih neposrednih rukovodilaca od kojih se mogu dobiti preporuke i informacije o kandidatima.

Nakon provedenog intervjua i na osnovu u potpunosti dokumentovanih odluka svakog člana komisije, Komisija za izbor će putem pisane preporuke predložiti rang listu sa najboljim kandidatima gradonačelniku Grada Sarajeva na daljnje razmatranje.

Odluke o imenovanju predsjednika i članova Skupštine Preduzeća donosi Gradsko vijeće Grada Sarajeva na prijedlog gradonačelnika Grada Sarajeva.

Rok za podnošenje prijave na Javni oglas je 15 (petnaest) dana od dana objavljivanja u „Službenim novinama Federacije BiH“, a isti će biti objavljen u jednim dnevnim novinama, kao i na web stranici Grada Sarajeva.

Lični podaci o kandidatima su tajni i mogu se prikupljati i obrađivati u skladu sa odredbama Zakona o zaštiti ličnih podataka BiH („Službeni glasnik BiH“, br. 49/06, 76/11 i 89/11).

Nepotpune i neblagovremene prijave neće se uzeti u razmatranje.

Prijave se podnose u zatvorenoj koverti lično ili putem pošte na adresu:

Grad Sarajevo

Hamdije Kreševljakovića 3

71000 Sarajevo

Sa naznakom: „PRIJAVA NA JAVNI OGLAS – NE OTVARAJ”

GRADONAČELNIK

Samir Avdić, s.r.